



Bulteno de la Londona Esperanto-Klubo

www.esperanto.org.uk/lek/lek.htm

Januaro - Februaro 2021

Kluba programo:

Januaro:

1. (neniu kunsido)
8. LVS **Alex Humet**: Kataluna afero.
15. LEK **Federico Gobbo**: La Insulo de la Rozoj kaj la aliaj: promenado inter la kinarto kaj Esperanto hieraŭ kaj hodiaŭ.
22. LEK **Eduard Kusters**: Totala Medicino.
29. LEK **Kunveno malfermita al ĉies kontribuo**: Kiel kaj kial mi fariĝis Esperantisto.



Februaro:

5. LEK **Trevor Steele**: La originoj de islamo.
12. LVS **Danka Leyk**: Prelego pri amo.
19. LEK **John Wells**: La mirinda mondo de la parolsonoj.
26. LVS **Klaas Dijkstra**: Taga ekskurso al Terschelling.



Loko, horaro kaj aliaj informoj:

Ni kunvenas vendredvespere. Dum la koronviroza krizo, kunvenoj okazas per la reta sistemo Zoom, komenciĝante je 19h (UTC). Kunvenoj ĉe Old Diorama Arts Centre neniel povas okazi dum la unuaj monatoj de 2021. Eble ili rekomenciĝos iam en la printempo. Novaj spektintoj bonvolu peti ligilon al proksim-vendreda Zoom-renkontiĝo de

lek.sekretario@gmail.com. Haveblas ankaŭ registraĵoj de prezentoj jam okazintaj (ĉe Jutubo). Vizitu espinfo.org/lekrano



**Londona
Esperanto-Klubo**



Leteroj de la konsilantaro

Letero de la Kasisto

Dum la periodo kiam okazas kunvenoj nur per la interreto, kostas al ni £15 monate, plus la kosto sendi bultenojn ktp al tiuj, kiuj ne havas retaliron. Mi taksas tion inter £200 kaj £250 jare. Pro tio, kaj ĉar ne ĉiuj povas profiti de la per-retaj kunvenoj, la konsilantaro decidis ne postuli kotizojn (nur) ĉi-foje, sed inviti donacojn laŭ la bontrovo de la membroj. En la frua parto de la jaro, ni pagis luon, sendis bultenon, kaj

elspezis prepare al la jarkunsido, kiu devis esti prokrastita. Ni elspezis proksimume £1,120, kaj enspezis proksimume £530. Do la perdo estas proksimume £590 (kompare kun perdo de proksimume £2,500 en 2019). Tio espereble ebligas al vi decidi kiom donaci, se vi tion volas fari. Mi esperas, ke la jaro 2021 estos pli feliĉa ol la antaŭa.



Arturo Prent, Kasisto

Pardonpeto al la membroj, kiuj ne povas partopreni la vid-kunvenojn en Zoom

Karaj membroj, kiuj ne sukcesas partopreni la vid-kunvenojn de nia klubo en la reto per la programo Zoom: mi pardonpetas, sed ni troviĝas antaŭ 'faro de Dio' pro la monda malsano kaj bedaŭrinde ni ne povas kunveni persone. Multo devige okazas en la reto, kaj niaj vendredaj retaj kunvenoj, organizataj kunlabore kun la Esperanto-klubo de Antverpeno en la lastaj monatoj, pritraktis ĉion, de kovimo-19 ĝis la ideoj de Spinoza krom

prezenti la kutimajn lingvo-seminariojn de John Wells. La partoprenantaro estis nekompareble pli granda ol la normala partoprenantaro en niaj ĉeestaj kunvenoj en Diorama. Foje ni estis eĉ 70 kun multaj

londonanoj, kiuj kutime ne venas al Diorama, kaj kun multaj eksterlandaj gastoj. Ni

esperas kiel eble plej frue reveni al nia normala vivo, en kiu miksiĝos ĉeestaj kaj retaj kunvenoj. Intertempe plusubtenu nian klubon, kies fondon Zamenhof mem salutis kaj de kiu li multon esperis.



Via sekretario, Renato Corsetti



Jano

JANO, pro kiu oni nomis la unuan monaton en jaro, estis duvizaĝulo, kaj do povis rigardi samtempe dekstren kaj maldekstren.



Spegulas tion nia novjara enigmo: rigardu la palindromajn kvinopojn, kiuj provizas maldekstran vorton per ĝiaj finaj tri literoj, dekstran per tri komencaj.

Helpate de subtabelaj difinoj, provu enskribi mankantajn literojn!

	!fasc	ineni	gmeca!
1		plalp	
2		trort	
3		fisif	
4		deked	
5		ialai	
6		menem	
7		teret	
8		kamak	
9		sajas	
10		ituti	


- 1 nekomplika / montaro
- 2 kuracaĵo/desegna instrumento
- 3 bolkuiris/seksmalsano
- 4 kvinoble ses/Islama vicreĝo
- 5 senmotive/nepastra
- 6 sed/verkisto István
- 7 mal-en/okulparto
- 8 malgraŭ ke/malpurajeto
- 9 terakso-punktoj/floro
- 10 havu ricev-raĵton/ uzo-taŭga



**Londona
Esperanto-Klubo**

Funkciuloj (Ankoraŭ rolantaj pro neokazo de jarkunsido de LEK en marto 2020)

Honora Prezidanto: Prof. John Wells;
Honoraj Vicprezidantoj: Heleno Fantom, Joyce Bunting.
Konsilantaro: Chris Lewis (Prezidanto), Matt Peperell (Vicprezidanto), John Wells (Vicprezidanto), Renato Corsetti (Sekretario kaj Programo), Arturo Prent (Kasisto), Anica Page (Registristo), Antony Rawlinson, Anthony Bodineau, Roland England, Terry Page. Maurizio Giacometto (Kompilisto de la Bulteno).



Enigmoj

Kiu-ĉi-tiu?

Literumu ties nomon, laŭ ĉi-subaj helpiloj!

Unua en fablo, sed ne en novelo;
troviĝas sekvant' en mansardo kaj kelo.
La tria troveblas en unco kaj futo,
la kvara en lakso, sed ne en skorbuto.
Tunelo kaj ponto provizas per kvina,

kaj sama duop', per liter' antaŭ-fina.
Havas himna la lastan, samkiel antema.
La tuto? Ne Dia, ja tamen tri-mema!



Solvo de la enigmo "Kie ni estas?" en la novembra-decembra Anstataŭa Bulteno

La lando, kies mapo akompanis nian enigmon, estas



KARTVELIO

1	2	3	4	5	6	7	8	9
---	---	---	---	---	---	---	---	---

La kodoj estis:
5238979: virusa malsano.
6761439: speco de energio.
5974639: franca verkisto.

franca verkisto:
VOLTERO.

La solvoj estas:
virusa malsano:
VARIOLO
speco de energio:
ELEKTRO

